

7. 20 207

ივანე როსტომაშვილის საფასით და რედაქციით გამოცემული.

№ 2.

მოგზაობებისა და ხალხისა.

ზროგა, სიძლიერა და ფული

ადამ სმიტის სურათით.

ი. გორდელაძის მიერ

ფასი 15 კაპ.

„ჩვენ უნდა ვშობოთ ჩვენი მყოფი,
ჩვენ უნდა მივცეთ მომავალი ხალხს.“
ი. ტავეკიაძე.

„ყოველი წუთი თავისუფალი დროსი
ადამიანმა სწავლას უნდა მოახმაროს!“
კონფუცი.



ტფილისი

სტამბა ექვთიმე ივ. სელაძისა

1896



ივანე როსტომაშვილის საფასით და რედაქციით გამოცემული.

№ 2.

მოგზაობებისა და ხალხების.

ურთა, სიბიძრე და ფული.

აღამ სმიტის სურათით.

ი. გორდელაძის-მიერ.

34594

ჩვენ უნდა ვშობოთ ჩვენი მყობადი,
ჩვენ უნდა მივცეთ მომავალი ხალხს!..“
ი. ჭავჭავაძე.

ყოველი წუთი თავისუფალი დროსი
აღამიანმა სწავლას უნდა მოახმაროს!..“
კონტუცი.



ბუილისი

სტამბა ექვთიმეჯი. სელაძისა.

1896

Дозволено цензурою, Тифлисъ 11 ноября 1895 года.

I.

შრომა და სიმდიდრე.

როცა თქვენ ათი მანეთი გაქვთ და თქვენ ამხანაგს—ხუთი, თქვენ ამბობთ, რომ მე ერთი ორად იმაზე მდიდარი ვარო; თუ კაცს ასი ათასი მანეთი აქვს, თქვენ ამბობთ, რომ ის მდიდარი კაცია და საზოგადოთ, რამდენადაც მეტი ფული აქვს კაცს, იმდენად უფრო მდიდარი გგონიათ ის...

მაგრამ წარმოიდგინეთ, რომ ეს მდიდარი კაცი, თავისი ასი ათასი მანეთით ჯიბეებში, ზღვის ტალღებმა გამოადგეს რომელიმე უღაბურს კუნძულზე. რას იტყვით მაშინ ამ კაცზე—მდიდარია ის, თუ არა? რით და როგორ დაიწყებს ეს კაცი თავის ახალ ცხოვრებას? ოქროს მადნის ძებნას დაიწყებს ის, რომ უფრო მეტი ფულები გააკეთოს, თუ იმის ზრუნვას შეუდგება—რა ესჭამო, როგორ ვიცხოვრო, რა ჩაეიცვა, ან როგორ დაეიცვა თავი ნადირებისაგან?

უწინდელებიც ასე ფიქრობდნენ, რომ სიმდიდრე ფულებშია, და ის ხალხია უფრო მდიდარიო, რომელსაც მეტი ფული აქვს; მაგრამ, წარსული საუკუნის ბოლოს, გამოჩნდა ინგლისში ერთი მსწავლეული, რომელმაც დაამტკიცა, რომ სიმდიდრეს ფულები-კი არ შეადგენენ, არამედ ადამიანის შრომა. იმ მსწავლეულის სახელი იყო ადამ სმიტი.



ადამ სმიტი.

II.

ადამ სმიტი.

ადამ სმიტის ყმაწვილობის შესახებ თითქმის არაფერი ვი-

კით; ვიკით მხოლოდ, რომ ყმაწვილობაში ადამი სუსტი ბავ-
ში იყო, და სამი წლისა რომ შესრულდა, მაწანწალა ბოშებ-
მა მოიტაცეს, მაგრამ მშობლებმა მალე მიაგნეს ქურდების კვალს
და შვილი შინ წამოიყვანეს.

ადამ სმიტი დაიბადა შოტლანდიის¹⁾ ერთ პატარა ქალაქ-
ში, 5 ივნისს 1723 წელს. პირველი სწავლა ადამმა მიიღო თა-
ვისი სამშობლო ქალაქის სკოლაში და, როგორც ყველა ნი-
ჭიერი ბავშვი, განირჩეოდა სხვებისაგან დიდი შრომის-მოყვარე-
ობით, წიგნების კითხვის სიყვარულით და შესანიშნავი მეხსიე-
რებით.

ადამს არ უყვარდა თამაშობა და გართობა ამხანაგებში,
მაგრამ თვითონ ის-კი ყველას უყვარდა, რადგანაც იყო წყნა-
რი და მეტად კეთილი გულის ყმაწვილი.

თოთხმეტი წლისამ ადამმა მიატოვა სამშობლო ქალაქის
სკოლა და შევიდა გლაზგოვის²⁾ უნივერსიტეტში³⁾, სადაც და-
ჰყო სამი წელიწადი. მას შემდეგ ადამი გადავიდა ოქსფორდის⁴⁾
უნივერსიტეტში და დაიწყო იქ საზნებო და პოლიტიკური სა-
გნების საფუძვლიანად შესწავლა.

ოქსფორდში ადამ სმიტმა გაატარა 7 წელიწადი. შემდეგ
დაბრუნდა დედასთან შოტლანდიაში, დასახლდა ქალაქ კაინ-
ბურჯში⁵⁾ და დაიწყო ჯექცების⁶⁾ კითხვა იქაურს უნივერსი-
ტეტში. ამ ლექციებმა დიდად ასახელეს ის და ამიტომ გაიწვიეს
გლაზგოვის უნივერსიტეტში საზნებო ფილოსოფიის პროფე-

1) შოტლანდია არის ინგლისის სამეფოს ჩრდილო ნაწილი.

2) გლაზგოვი—ქალაქია შოტლანდიაში.

3) უნივერსიტეტი—უმადლესი სასწავლებელია.

4) ოქსფორდი—ქალაქია ინგლისში.

5) კაინბურჯი—უმთავრესი ქალაქია შოტლანდიაში.

6) ლექცია—ნიშნავს საკითხავს, სწავლას, გაკვეთილს.

სოციალ¹). ამისი ლექციების მოსასმენად მოდიოდნენ მსმენელნი ინგლისის და შოტლანდიის ყოველი კუთხიდან და ახალგაზდა პროფესორზე მალე ყველგან დაიწყეს ლაპარაკი. ადამ სმიტის ლექციების მიმზიდველობა იმაში მდგომარეობდა, რომ თავის აზრებს და სწავლას ის აფუძნებდა მრავალ ფაქტებზე²) და ისე ხელოვნურად ადარებდა და უყენებდა ერთი მეორეს ამ ფაქტებს, რომ სიტყვა მისი ზეგარდმო შთაგონებად წარმოგიდგებოდათ...

ადამ სმიტმა გაატარა გლაზგოვის უნივერსიტეტში 13 წელიწადი და შეაგროვა აქ ის მდიდარი მასალა, რომლის შემწეობითაც დასწერა მან თავისი შესანიშნავი თხუზულება „გამოკვლევა ხალხთა სიმდიდრეზე“.

ადამ სმიტი განიჩნეოდა სხვა მსწავლეულებისაგან თავისი შესანიშნავი ჰქვა-გონებით და აზრის მოუსყიდველი პატიოსნებით. იმის ნაწერებში თქვენ ვერ იპოვნით ვერც ერთ ფაქტს, რომელიც იყოს მოყვანილი ისე შემთხვევით და ანაზღეულად; ის ლაპარაკობდა და სწერდა მხოლოდ ისეთ საგნებზე, რომლებიც ღრმად ჰქონდა შესწავლილი და გამოკვლეული, იმ ქალაქებზედ, რომლებიც საკუთარი თვალთ ენახა და იმ ფაქტებზე, რომლებიც მრავალ-ჯერ ჰქონდა აწონ-დაწონილი.

ადამ სმიტის კარგი ნაცნობნი ამბობენ, რომ ის მეტად წყნარი ხასიათის კაცი იყო, დიდად ჰქვიანი და მხიარული ლაპარაკის პატრონი, მაგრამ იმავე დროს მუდამ მორიდებული და გართული ათას გვარ ფიქრებში, განსაკუთრებით გარეშე პირებთან. გარდაიცვალა 1790 წელს, 67 წლისა.

¹) პროფესორი—მასწავლებელია უმაღლეს სასწავლებელში.

²) ფაქტი—ნიშნავს მომხდარ ამბავს, ნაქმარ საქმეს; ნაქმარი.

განვმარტოთ ახლა უმთავრესი ადგილები მისი შესანიშნავი თხზულებისა— „გამოკვლევა ხალხთა სიმდიდრეზე.“

III.

ა) ბუნებაში მყოფი საგნები და ძალები ხლე- ბიან გამოსადგევი ხოლო ადამიანის შრომით.

ბუნებაში მზად არ მოიპოვება არც პური, არც ხორცი, არც ტანსაცმელი და არც ფეხ-საცმელი. სანამ ხარი ველად არის, ის არც ხორცია და არც ტყაფი; აგრეთვე, სანამ ფრინველი ტყეშია, თევზი წყალში და ხორბალ-სიმინდი მინდორში, — ფრინველი და თევზი ხორცი არ არის და ხორბალ-სიმინდი — პური და ხაჭაპური.

ბუნებაში არსებობენ მხოლოდ სხვა და სხვა საგნები და ძალები, სახელდობრ: ცხოველები, მცენარეები, ქვები, ქარი, წყალი, ორთქლი, მზის სითბო და სხვ. ეს ბუნებითი ძალები და საგნები იმ დრომდე არიან ჩვენთვის გამოუსადეგარნი, სანამ კაცი არ მისცემს მათ იმ სახეს, რომელიც სასურველი და გამოსადგევი ადამიანისთვის. აი ამისი თვალ-საჩინო მაგალითები:

ადამიანი გარდააქცევს ხარს ხორცად, ტყავს — ფეხსაცმელად, ბამბის თესლს — ბამბად, ბამბას — დართულ ძაფებად, ხოლო ძაფებს — სხვა და სხვა ნაქსებად¹⁾; გარდააქცევს წყალს ორთქლად, ორთქლს დაამწყვედევს მანქანებში და ამ გვარად მანქანას საქმეს აკეთებინებს; ქარს შეუყენებს ნაღის იაფქ-

¹⁾ ნაქვისი არის ნაქსოვი ანუ ქსოვილი.

ნებს¹⁾ და წისქვილის ფრთებს; ამ ნაირად, ქარი, რომელიც იმ დრომდე ადამიანისათვის სრულიად გამოუსადეგრად მინდვრად დაჰქროდა და აგრეთვე წყალი და ორთქლი ხდებოდა კაცისათვის დიდად სასარგებლო და გამოსადეგ საგნებად.

ყველა ამ შემთხვევაში კაცი არა ჰქმნის არც ერთ ბეწო რაიმე ახალ ნივთიერებას, არც ერთ ახალ ძალას. ის იღებს ხოლო იმას, რაც უკვე არსებობს ბუნებაში და აყენებს მათ სხვა გარემოებაში და დამოკიდებულებაში და ხოლო ამის მეორე ბუნების ძალა იძლევა იმას, რასაც საჭიროებს კაცი.

აი კიდევ მაგალითი. რას აკეთებს მიწის მუშაკი ანუ მხენელ-მთესველი? ის გუთნით თუ სახნისით სძრავს და ანგრევს ზედა-გის²⁾ ნაწილებს, აყენებს მათ ახალს დამოკიდებულებაში მზის სითბოსთან, სინესტესთან, ჰაერთან და ყველა ამით ჰბადავს ახალს ძალებს. ის იღებს ბოსლიდგან ნებს და აყრის მინდორს; გააქვს ბელლიდამ თესლი და სთესავს მიწაში. ყველა ამით მხენელ-მთესველს გამოჰყავს ნივთიერება მისი უწინდელი მდგომარეობიდან, აყენებს ახალში და დამუშავებული უცდის ნაყოფს. როდესაც ნაყოფი გამოჩნდება, ე. ი. პური გაიზრდება და დამწიფდება, მხენელ-მთესველი მკის პურსა, მიაქვს შინ, ლეწავს, ფქვავს, აცხობს, ე. ი. გადააქვს თუ გადმოაქვს ნივთიერება, ასხვაფერებს მას. აი რაში მდგომარეობს ადამიანის მოქმედება-შრომა და როგორ ხდება ბუნებითი ძალა თუ საგანი მისთვის გამოსადეგი.

სწორედ ამნაირადვე იქცევა კაცი სხვა წარმოებაშიაც. მაგალითად, მინდორში დათესეს ბამბის თესლი. ბუნების ძალებმა აქციეს თესლი ბუჩქებად და ბამბად; კაცი ჰკრეფავს ბამბას

¹⁾ იალ ქანი—ნავის ანუ ხომალდის აფრია (парусь).

²⁾ ზედა გის—არის დედამიწის ის ზემო ნაწილი, რომელსაც ამუშავებს ადამიანი, რომელშიაც ფესვს იდგამს მცენარე (почва).

კალათებში და ეზიდება შინ; აქაც მოსვენებას არ აძლევს ბამბას: ჰჰენტავს, ართავს და აკეთებს ძაფებს, ხოლო ძაფით ჰქსოვს მშვენიერს ნაქვსებს...

ბ) ამიტომ არის საჭირო, რომ ადამიანმა ზედ-მიწევნით შეისწავლოს ბუნებაში მყოფი საგნების და ძალების თვისებანი.

რომ ბუნებითი საგნებიდგან გამოვიდეს ის, რაც კაცს ეჭირება, აუცილებლად საჭიროა, რომ თვით ნივთიერება და საგანი ვარგოდეს ამისთვის: წყლიდამ და ქვიშიდამ, ბევრიც რომ ვეცადოთ, ძაფს ვერ დავართავთ.

ამიტომ იყო საჭირო, რომ კაცს ზედ-მიწევნით გაეგო ბუნებაში მყოფი საგნების და ძალების თვისებანი და ესწავლა მათი გამოყენება. ბევრმა ათასმა წელმა განვლო სანამ ადამიანი ისწავლიდა თუნდა ისეთ უბრალო საქმეს, როგორც არის, მაგალითად, პურის გამოცხობა. დღესაც არიან ევლურები, რომელნიც აქამომდე ვერ მიმხედარან, თუ როგორ მოამზადონ ფქვილი და ან როგორ გამოაცხონ პური...

IV.

ბუნებაში მყოფ საგნებს და ძალებს ედება თასი მხოლოდ ადამიანის შრომით.

სანამ ბამბა მინდვრად არის, ხარი ევლურად და წყალი მდინარეში მდინარებს, არც ერთ მათგანში კაცი ფასს არ ვაი-

ღებს. მაგრამ წყალი, სახლში მოტანილი, სულ სხვაა და ფასიც აქვს. ეს იმიტომ მოხდა, რომ წყლის მზიდავმა მდინარიდგან წყალი თქვენს ეზოში ბოჩკით მოიტანა და ეზოდამ თქვენმა მოსამსახურემ კოკით ანუ ლიტრით სახლში შემოიტანა.

ამნაირად, წყალი რომ თქვენამდის მოსულიყო, საქირო იყო შრომა რამდენიმე კაცისა, სახელდობრ: საქირო იყო შრომა ურმის ოსტატისა, რომ წყლის მოსატანად ურემი გაეკეთებინა; საქირო იყო შრომა მეჭურჭლისა, რომ წყლის მოსატანი ჭურჭელი გაეკეთებინა; საქირო იყო შრომა წყლის მზიდავისა, რომ წყალი სახლამდის მოეტანა; საქირო იყო შრომა სარაჯის¹⁾, რომ ცხენებისათვის მოსართავები და ღვედები²⁾ გაეკეთებინა; საქირო იყო შრომა ხარაზისა და თერძისა, რომ ფეხსაცმელი და ტანსაცმელი შეეკერათ წყლის მომტანისათვის, მეჭურჭლესათვის და სხვ. მთელი ეს შრომა განაწილდა მოტანილ წყალზედ და ამიტომ დაედო მას ფასი, რომელიც არა ჰქონდა მას, სანამ ის თავისთვის მდინარეში მოჩხრიალდებდა.

დღეს მზის სითბო-სინათლეში ფულს არაეინ ვაძლივთ; მაგრამ, თუ გამოჩნდა ვინმე ისეთი მოხერხებული კაცი, რომელიც მოაგროვებს მზის სითბო-სინათლეს, რომ ხარჯოს ისინი თავის ნებაზე, როცა რამდენი მოესურვება, მაშინ მათაც ფასი დაედება, იმის და კვალად, თუ რამდენი შრომა იქნება გაწეული მათ მოგროვებაზე.

გარდა მოხსენებულისა, ნიეთის ფასის მეტ-ნაკლებობა დამოკიდებულია იმაზედ, თუ რამდენად უფრო საქიროა რომელიმე ნიეთი ცხოვრებაში. მაგალითად: მაუდის ტანსაცმელი უფრო ძვირათა ღირს, ვიდრე ბამბისა, რადგანაც მაუდის გაკეთებას უფრო მეტი შრომა უნდა, ვიდრე ბამბეულისას. მაგრამ, თუ

¹⁾ სარაჯი არის უნაგირებისა და საზოგადოთ ცხენის მოსართავის მკეთებელი ოსტატი.

²⁾ ღვედი არის დაწნული თასმა.

თქვენ ცხელი ქვეყნის მცხოვრები ხართ, თქმა არ უნდა, რომ თქვენთვის ბამბის ჩანისამოსი უფრო ძვირი იქნება, ვიდრე მაუდისა. გავოდის, რომ ნიეთის ფასის მეტ-ნაკლებობა დამოკიდებულია იმაზედ, თუ ა) რამდენი შრომა დასჭირდა მის გაკეთებას და ბ) რამდენად საჭიროა ეს ნიეთი ცხოვრებაში.

ცხადია აგრეთვე, რომ რამდენადაც მეტი გამოსადეგი საგნები აქვს რომელიმე ხალხს, იმდენად უფრო მდიდარი და შეძლებული იქნება ეს ხალხი. ხოლო, რომ ხალხს ბევრი გამოსადეგი ნიეთები და საგნები ჰქონდეს, საჭიროა, რომ ყველა კაცი გამოუკლებლად ადგეს გამოსადეგ საქმეს, რომ ყველა რასზე გამოსადეგს მუშაობდეს. რა წამსაც რომელიმე საზოგადოებაში თუ ხალხში გაჩნდებიან ისეთი პირები, რომლებიც არაფერს გამოსადეგ საქმეს არ აკეთებენ, ანუ მუშების რომელიმე საქმე გამოუსადეგარი გამოდგა, სიმდიდრე იმ ქვეყნისა მაშინვე ძირს იწევს; ეს იმას ნიშნავს, რომ იმ ქვეყანაში არის ბევრი ისეთი პირი, რომლებსაც საკმაოდ არა აქვთ მოხსენებული ფასდებული გამოსადეგი საგნები, და რამდენათაც მეტი აღმოჩნდება ამ გვარი უსაქმო და, მაშასადამე, უქონელი ხალხი, იმდენად მთელი ის ქვეყანაც უფრო ღარიბი იქნება. თუ რომელიმე ქვეყანაში ყველას არა აქვს ფეხ-საცმელი და კარგი ნოყიერი საქმელი, ან საზამთროდ—შალის თუ მაუდის ტანსაცმელი, და არც თბილი სადგური უდგათ,—თქმა არ უნდა, რომ ასეთი მხარე უფრო ღარიბი იქნება იმაზედ, რომელსაც ყველა ეს საკმარისად აქვს...

და ამასთანავე იმდენად უფრო მდიდარი იქნება, რამდენად მეტი საგნები აქვს მათ. ამიტომაც უფრო მდიდარი იქნება ის ქვეყანა, რომელიც უფრო მეტად იქნება განვითარებული, ვიდრე ის, რომელიც უფრო ნაკლებად იქნება განვითარებული. ამიტომაც უფრო მდიდარი იქნება ის ქვეყანა, რომელიც უფრო მეტად იქნება განვითარებული, ვიდრე ის, რომელიც უფრო ნაკლებად იქნება განვითარებული. ამიტომაც უფრო მდიდარი იქნება ის ქვეყანა, რომელიც უფრო მეტად იქნება განვითარებული, ვიდრე ის, რომელიც უფრო ნაკლებად იქნება განვითარებული.

რა არის შრომის განაწილება და რით არის ის სასარგებლო? რა არის ანგარიშიანი შრომა და საზიარობა?

რამოდენიმე ათასი წლები დასჭირდა კაცობრიობას, რომ მას უკეთესად მოეწყოთ თავისი ცხოვრება და შეძლებისა გვარად გაეადვილებინა იგი.

თქვენ, მაგალითად, მოგესურვათ ჩაი; მიდინხართ მახლობელს დუქანში და ყიდულობთ. მაგრამ ესე ადვილად როდი გაჩნდა ეს ჩაი დუქანში: მთელი უშველებელი მთა-მინდვრებია ჩინეთში ჩაის ბუჩქებით მოშენებული ადამიანების ხელებით; ახლა, რამდენი ათასი და ათი ათასი კაცი მუშაობს მის (ჩაის) გადატან-გადმოტანაზედ ხმელეთით თუ ზღვით ჩინეთიდან ჩვენამდე! ახლა, რამდენი ათასი ვაჭარია, რომელიც მხოლოდ იმ საქმეს ადგია, რომ ჩაის ათასი ფუთობით ყიდულობს და წვრილ-წვრილად ჰყიდის მეწვრიმალე ვაჭრებზე ლამაზად გაკეთებულ ქალაქში თუ ყუთებში! და, აი, ხოლო ამდენი ხალხის წვლების და შრომის შემდეგ ჩნდება ჩაი თქვენ მეზობლად აშენებულს დუქანში!.. ყველა ამისთვის-კი დიდად საჭიროა დიდი ძალი ხალხი და გონიერად განაწილება საქმისა და შრომისა მათ შორის, რომ ყოველი კაცი ხოლო თავის საქმეს ადგეს და ბეჯითად ასრულებდეს მას. მხოლოდ საქმის ასე წესიერად განაწილებით და თადარიგით შეიძლება გავაუმჯობესოთ და გავიართოთ რომელიმე ნაწარმოები. საქმის ასე დანაწილებით და თადარიგით წარმოებას ეწოდება შრომის განაწილება.

თუ რამდენად აადვილებს და აიაფებს შრომის განაწილება

ცხოვრებისათვის საჭირო საგნებს, დაეინახათ შემდეგი მაგალითებიდამ.

ქინძისთავი ხომ უბრალო ნიეთია, მაგრამ იმის გასაკეთებლად საჭიროა თვანამკეტი სხვა და სხვა საქმის შესრულება, სახელდობრ: ერთი ოსტატი ხოლო საქინძისთავე მართულს აკეთებს, მეორე ამ მართულს ასწორებს, მესამე სჭრის, მეოთხე წვერს უკეთებს, მეხუთე თავს ადგამს და სხე... ქინძისთავის ერთ პატარა ქარხანაში, გვიამბობს ადამ სმიტი, მუშაობდა მხოლოდ ათი კაცი და თუმცა ისინი ღარიბები იყვნენ და იარაღებიც უფარვისი ჰქონდათ, ღლეში მაინც 12 გირვანქა ქინძისთავს ამზადებდნენო. ერთ გირვანქა ქინძისთავში ითვლება 4000-ზე მეტი ქინძისთავი, მაშასადამე, 12 გირვანქაში იქნება 48000 ქინძისთავი. ხოლო, რადგანაც თითო მუშაზე მოდის მეთედი საქმისა, გამოდის, რომ ღლეში თითო მათგანი აკეთებდა 4800 ქინძისთავს; ცალ-ცალკე-კი რომ ემუშაენათ, თითოეული მათგანი ვერც ოც ქინძისთავს გააკეთებდა ღლეში!..

რომ გაკეთდეს უბის საათი, საჭიროა 43 სხვა და სხვა საქმის შესრულება. შუკი(ჯარაში¹) ითვლება 40,000 კაცი საათის მკეთებელი. ისინი ამზადებენ წელიწადში ერთ მილიონ საათს; თითო მესაათეზე მოდის 40 საათი. რომ თითოეული ამათგანი საათის ყველა ნაწილებს თითონვე აკეთებდეს, მაშინ წელიწადში ათი საათის გაკეთებასაც ვერ მოასწრობდა თითო კაცი, და, რალა თქმა უნდა, საათებიც გაცილებით უფრო ძვირი იქნებოდა და უხეიოებიც. დიახ, ასე კარგი და სასარგებლოა შრომის განაწილება!

როდესაც ქარხნებში მუშები ქინძისთავის ანუ საათის ნაწილებს ამზადებენ, ისინი კარგად ხედავენ, რომ თითოეული მათგანი ცალ-ცალკე მუშაობს, მაგრამ ბოლო და შედეგი-კი

¹) შ ვ ე ი ც ა რ ი ა არის ერთი პატარა, მაგრამ მეტად მდიდარი და განათლებული ქვეყანა ვეროპაში, იტალიის ჩრდილოდ.

მათი შრომისა ერთია, ე. ი. ბოლოს გამოდის ერთი საქმე—
ქინძისთავი ანუ საათი... მაუღის ქარხნებში მუშები ამზადებენ
მაუღს ანუ სხვა და სხვა ნაქსებს. აქაც მუშები კარგად ხედა-
ვენ, რომ შრომა განაწილებულია, მაგრამ საქმე-კი ერთი გა-
მოდის... ტყეში რამოდენიმე კაცი შამოჭხევეია ერთ ხესა და
სჭრიან მას; თუმცა თითოეული მათგანი ცალკე სცემს ცუღს,
მაინც ყველას კარგად ესმის, თუ რამდენად ემსახურებიან ერთ-
მანერთს საერთო საქმეში, რომ ხე მალე წააქციონ... ამ გვა-
რად ძალ-ღონის შეერთებას, როდესაც თვითეული მუშა კარ-
გად ხედავს, რაზედაც არის მიმართული ეს შეერთებული ძა-
ლა, — ეწოდებ ანგაჩიშაინი შრომა (простое сочетание труда).

ზემოთ ჩვენ მოვიყვანეთ მაგალითი ჩაიზე. წარმოიდგინეთ,
რომ ერთ დღეს გაქრნენ ყველა ის პირები, რომლებიც ეზი-
დებიან ჩაის ჩინეთიდან ჩვენამდე. ცხადია, რომ თქვენ უჩაიოთ
დარჩებით, რადგანაც მომტანი აღარაინ იქნება... ახლა წარ-
მოიდგინეთ, რომ გაქრნენ ჩაის ყველა მოვაჭრენი. ცხადია აგ-
რეთვე, რომ თქვენ კიდევ უჩაიოთ დარჩებით და თქვენთვის
ჩინეთი ვითომც არც-კი ყოფილა ქვეყანაზე.

გამოდის, რომ როგორც ზემოთ მოხსენებულ ანგაჩიშაინ
შრომაში, თვითეული მუშა აუცილებელი საჭიროებაა საერთო
საქმისათვის, სწორედ აგრეთვე საჭირონი არიან სხვა და სხვა
მშრომელნი რთულ საქმეში... ამოაცალეთ საათს რომელიმე
ნაწილი ანუ ბორბალი და საათი მაშინვე გაჩერდება, დადგება,
ე. ი. შედეგი იგივე იქნება, რომ საათი სრულიად არა გქონო-
დათ. ასევეა აღამიანებში.

აქედამ ცხადად დაინახეთ, თუ როგორ მჭიდროდ არიან
აღამიანები ერთმანეთთან შეკავშირებულნი. რომ მიიღოთ
თქვენი მაუღის ტანსაცმელი, საჭიროა მატყლი; მატყლისათვის
საჭიროა ცხვრები; ცხვრების მოსაველედად საჭირონი არიან

მწყემსები და გამოსაკვებად—საძოვრები და სახნავეები; შემდეგ საჭიროა ქარხნები მაულის გასაკეთებლად და სხვ. ერთი სიტყვით, საჭიროა მთელი წყობა სხვა და სხვა კერძო წარმოებათა. ამ გეარ რთულ ურთი-ერთიან წარმოებას და დამოკიდებულებას ეწოდება საზიარობა (солидарность).

VI.

სიმდიდრის შესაქენად და ცხოვრების გასაუმჯობესებლად საჭიროა: ა) ბუნების მრავალ-გეარობა და სიმდიდრე;

დედამიწის ზურგზე ზოგი ქვეყანა თბილია და ზოგი—ცივი. ზოგ ქვეყანაში იზრდება ძვირფასი ხეები და სხვა მცენარეები, სახელდობრ—პურის ხე, ინდის-ხურმა, ბრინჯი, ბამბა, შაქრის ლერწამი და სხვ. ხოლო, არის ისეთი მწირი ადგილებიც, სადაც ხავსის მგტი არაფერი იზრდება, ზოგორც, მაგალითად, რუსეთის ჩრდილოეთშია.

რამდენადაც უკეთესია რომელიმე ქვეყნის ჰავა და ნიადაგიც ნაყოფიერი, იმდენად უფრო ვადვილება იმ ქვეყნის მცხოვრებლებს ცხოვრება. მწირი და ცივი ქვეყნის მცხოვრებთ იქნება სურდესთ კიდევ, რომ შაქრის ლერწამი ანუ ბამბა მოიიყვანონ, მაგრამ ვერ მოიყვანენ, რადგანაც ეს მცენარეები სიცვისაგამო მათ ქვეყანაში არ მოვა. ცხადია, რომ ცივი და მწირი ქვეყნის მცხოვრებლებს თავის დღეში არ ექმნებათ იმდენ-ნაირი ნაწარმოები და ჭირნახული, რამდენიც თბილი და ცხელი ქვეყნის მცხოვრებლებს, რომელთაც უხვად მოსდით პუ-

რიც, ქერიც, სიმინდიც, ბამბაც, ყურძენიც და ათასნაირი ბოსტნეული და ხილიც...

ადამიანის ცხოვრებაში ჰავას აქვს დიდი მნიშვნელობა არა მარტო იმიტო, რომ თბილ-ჰავიანი ადგილი იძლევა უფრო მეტს და მრავალ-გვარ ნაწარმოებს, არამედ იმიტაც, რომ ყოველ შემთხვევაში თბილი ადგილის მცხოვრებს სჭირდება ბევრად უფრო ნაკლები შრომა და ხარჯი, ვიდრე ცივი ქვეყნის მცხოვრებს. მაგალითად, ცივ ქვეყნებში შენობები მეტ ნაწილად უფრო მალე ფუჭდება და ამიტომ უფრო მკვიდრად გაკეთებას და ხშირად განახლებასაც თხოულობენ, ე. ი. თხოულობენ მეტს ხარჯს და შრომას...

მდიდარი ბუნება, როგორც ვსთქვით, ჰბადავს შრომის და ნაწარმოების სხვა-და-სხვაობას; ესევე შედეგი მოსდევს მადნეულ სიმდიდრეს რომელიმე ქვეყანაში. წარმოიდგინეთ, რომ ქუთაისის ანუ თბილისის გვერდზე აღმოჩნდა აუარებელი მადანი რკინისა, სპილენძისა, ქვანახშირისა; ანუ ოქროსი. თქმა არ უნდა, რომ მაშინ ამ ქალაქების და ახლო-მახლო ადგილების მცხოვრებნი მემადნეობას და ყოველ-გვარ ხელოსნობასაც მიჰყოფდნენ ხელს.

ბუნებით სიმდიდრეს ეკუთვნის წყალბადი—დიდი მდინარეები, ტბები და ზღვები, თუ საკმაოდ მოიპოვებიან იგინი რომელიმე ქვეყანაში და თუ ადვილადაც შეიძლება მათი მოხმარება. რკინის გზა ხომ კარგი მოგონებაა, მაგრამ ვერასოდეს ვერ შეედრება ამ მხრით წყალს. წყლის პირა მდებარე ქალაქები მუდამ უფრო შექლებულები არიან, ვიდრე წყალს დაშორებულები. გაგვიგონებათ, რომ ინგლისი გარშემორტყმულია უშველელბელი ზღვებით; ეს გარემოებაა უმთავრესად მისი სიმდიდრის და ღონის მიზეზი...

როდესაც ინგლისში ცხოვრობდნენ ბრიტები, წინაპარნი ეხლანდელი ინგლისელებისა, ინგლისს ჰქონდა იგივე ჰავა და

ზედაგი, რაც ღლეს, მოიპოვებოდა იქ იგივე მიწალები (Минералы), რაც ღლეს, მაგრამ ბრიტები, მაინც, ისე კარგად და მდიდრულად ვერ ცხოვრობდნენ, როგორც ეხლანდელი ინგლისელები ცხოვრობენ... ცხოვრების გასაუმჯობესებლად კიდევ საჭიროა, რომ

ბ) ხალხს ჭკიანდეს სურვილი გაუმჯობესობას;

აფრიკაში თბილი ჰიერი და მომცემი ადგილებია, ასე რომ იზრდება თუთის ხე, ყურძენი, ბამბა და სხვა მრავალი სასარგებლო მცენარე; მიწაში მოიპოვება დაუღვეველი მადნები რკინისა და ქვა-ნახშირისა, მაგრამ აფრიკელები მაინც შიშველტიტველნი დადიან და, არა-თუ არ იციან აბრეშუმის და ბამბის ნაქვების მომზადება, არც რკინისა და ფოლადის სულ უბრალო ნივთების გაკეთება შეუძლიანთ. რა უშლის აფრიკის მცხოვრებლებს იცხოვრონ ისე, როგორც ინგლისელები და ანუ ფრანცუზები ცხოვრობენ? თქვენ იტყვიან, რომ აფრიკელები არ შრომობენო, ზარმაცები არიანო. არა, აფრიკელებიც შრომობენ, მაგრამ საქმე იმაშია, რომ იმათი შრომა სულ სხვა რახედმე არის მიმართული: აფრიკელები სრულიად კმაყოფილნი არიან თავიანთი მიწური სახლებით; კმაყოფილნი არიან იმ საბრალო სასმელ-საჭმლითა, რომლითაც ისინი ღლეს იკვებებიან. მთელ თავის სიცოცხლეს ისინი ატარებენ ხოლო ერთმანერთის ჩხუბში და ბრძოლაში, ან ყრიან თავიანთ ქოხებში გულზე ხელდაკრეფილები და ცხოვრების გაუკეთესებაზე სრულებით არასფერს ზრუნავენ. თქმა არ უნდა, რომ ისინი ვერ გააუმჯობესებენ თავიანთ ცხოვრებას და დარჩებიან მარად იმ ველურ ყოფაში, როგორშიაც ახლა არიან. დიან, თუ ხალხი მოკლებულია



ტსოვრების გაუმჯობესების სურვილს, ის მთელი საუკუნოებით
ღარჩება ერთ და იმავე ცხოვრების (ეკონომიურ) მდგომარეო-
ბაში! მაშ ეგრე: ხალხის გასამდიდრებლად კიდევ საჭირო ყო-
ფილა, რომ იმას ჰქონდეს სურვილი ცხოვრების გაუმჯობესებისა,
რადგანაც ხოლო ცხოვრების გაუმჯობესობის სურვილი ჰქმნის
შრომის უმთავრეს ამალორძინებელს თვისებას—თავ-გამოდებას
(ენერჯიას). ესთქვათ ამაზედაც რამოდენიმე სიტყვა.

გ) შეუწყვეტელი და მოუკლებელი თავ- გამოდება (ენერჯია) და მიმართვა ამ ძალისა გამოსადეგ საქმეზე;

თავ-გამოდება (ენერჯია) აქვს ყოველ კაცს, მაგრამ ეკო-
ნომიურად თავ-გამოდება არის მხოლოდ ის ძალა, რომელიც
შეგაფულიანებს კაცს გამოსადეგ შრომაზე. ჩინგის-ყენის დროის
თათრებიც დიდი თავ-გამოდების პატრონები იყვნენ, მაგრამ ეს
მათი თავ-გამოდება ილგოდა ხოლო ომებზე და სხვა ხალხების
დამონავეებაზე.

რომ თავის-გამოდებამ ხალხი სიმდიდრემდის მიიყვანოს,
საჭიროა, რომ ის მარად შეუწყვეტელი და მოუკლებელი თავ-
გამოდებით მოქმედებდეს. ველურები მუშაობენ მხოლოდ მა-
შინ, როდესაც სიმშლისგან კუჭი ეწვით და მაშინაც მხოლოდ
იმდენად ირჯებიან, რამდენიც საკმაოა იმათი წუთიერი მოთხო-
ვნილების დასაკმაყოფილებლად, ე. ი. მუშაობენ მხოლოდ ში-
მშლის დასაკმაყოფილებლად და სრულიად არა ზრუნავენ შე-
ძენაზე და გამოზოგვაზე. ასეთი კანტი-კუნტი შრომა - კი და
თავ-გამოდება ვერასოდეს ვერ შესძენს ხალხს თუ კაცს სიზოი-
დრეს; შრომა და თავის-გამოდება უნდა იყოს მარად მოუკლებელი

და რომელ ხალხსაც და კაცს სჭირს ეს თვისება, ის ხალხი და კაცი არ შეიძლება რომ არ გამდიდრდეს...

დ) ცოდნა, ხერხი და ნიჭი

წარმოიდგინეთ ქვეყანა, სადაც მოიპოვება ყოველ-ნაირი მადანი და ღირსი ზღვები და მდინარეები, სადაც ჰაერიც და ზედადგაც შესაფერი და ნაყოფის მომცემია და თვითონ ხალხიც თავ-გამოდების პატრონია და სურვილიც აქვს გამდიდრებისა. საკმაოა მხოლოდ ეს სურვილი და თავ-გამოდება, რომ ხალხი გამდიდრდეს? წარმოიდგინეთ, რომ თქვენ გაქვთ რკინის მადანი, შეშა და ღიღი სურვილიც, რომ ბასრი დანები გააკეთოთ. საკმაოა ყველა ეს, რომ თქვენ დანები გააკეთოთ? რასაკვირველია, არა, რადგანაც გარდა მასალისა და სურვილისა, საჭიროა აგრეთვე და უმთავრესად ცოდნა, როგორ შეისრულოთ და დაიკმაყოფილოთ ეს წადილი.

ახლა წარმოიდგინეთ, რომ თქვენ და თქვენს ამხანაგს გაქვთ ყოველი, რაც საჭიროა, რომ დანები გააკეთოთ, მაგრამ თქვენ ხართ მოხერხებული, მარდი, ნიჭიერი, ოსტატი მუშა და თქვენი ამხანაგი-კი—უხერხული, დუნე. თქმა არ უნდა, რომ თქვენ ორში, თქვენ უფრო მეტს დანებს გააკეთებთ და კარგებსაც, ვიდრე თქვენი ამხანაგი. გამოდის, რომ წარმოების წარმატებისათვის, გარდა ბუნებითი სიმდიდრისა, ცხოვრების გაუმჯობესების სურვილისა და თავ-გამოდებისა—საჭირო ყოფილა კიდევ ცოდნა, ხერხი და ნიჭი. ორ ხალხში, ის უფრო გამდიდრდება, რომელსაც ერთ და იგივე პირობებში მყოფსა, უფრო მეტი ცოდნა და ნიჭი ექნება.

და ე) გაუმჯობესებული იარაღები და მანქანები.

სანამ ხალხი ველურად ცხოვრობს, იმისი მოთხოვნილებანი დიდი არ არის, ნიჭი საკმაოდ არა აქვს გახსნილი და სამუშაო იარაღებიც უხვიროები აქვს. უწინდელი ველური იჭერდა ირემს ფეხ-და-ფეხ, ე. ი. გამოუდგებოდა ნადირს და ცდილობდა დასწვოდა და დაეჭირა იგი. როცა ეს საშუალება მოუხერხებელი და ძნელი აღმოჩნდა, ველურმა მოიგონა შვილდ-ისარი. როცა ამავე ველურმა დაიწყო მიწის შემუშავება, მან აგრეთვე დაინახა, რომ აუცილებლად საჭიროა გაიადვილოს შრომა და მოიგონა ბარი, თოხი, გუთანა, ფარცხი და სხვ. ყველა ეს იარაღები არიან შრომის გამაადვილებელნი, ე. ი. ცოტაოდენი შრომის და ძალ-ღონის დახარჯვით გვაძლევენ დიდ სარგებლობას. საზოგადოთ უნდა ვსთქვათ, რომ უიარაღოთ ყოვლად შეუძლებელია რომელიმე სამრეწველო საქმის წარმოება. მაგალითად, შეუძლებელია ხეირიანი სახლის აშენება უცულოდ და უხერხოდ; შეუძლებელია გვექონდეს ჰური, თუ მიწა რომელიმე იარაღით არ მოეხანით, თესლი არ დაეთესეთ და ყანა არ მოემკვეით უბრალო დანით მაინც. ურემი, მარხილი და ნაგები რომ არა გვექონდეს, მისელა-მოსელაც გაძნელებული იქნებოდა და არც ვაჭრობა იქნებოდა. დიან, ძნელია და თითქმის შეუძლებელიც წარმატება, თუ ხალხი მოკლებულია წესიერ იარაღებს შრომისათვის და წარმოებისათვის, რადგანაც უვარგისი იარაღით თითონ საქმეც უვარგისი და უხვირო გამოდის: შეუძლებელია კარგად გამოსჭრა ტანისამოსი ჩლუნგი მაკრატლით, შეუძლებელია დასჭრა შეშა ანუ ურემი ააგო ჩლუნგი ცულით და სხვ.

რამდენადაც კაცი განვითარებული, აზრიანი და გონიერია,

იმდენად უფრო მეტად ცდილობს ის გააუმჯობესოს თავისი წარმოების იარაღები, რადგანაც სულ ერთი როდია—ორი საათი იმუშავო რომელიმე საქმეზე, თუ ერთი! გარდა ამისა, იარაღის გაუმჯობესობას მოხდევს თან არა მხოლოდ შრომის შემსუბუქება, არამედ თვითონ ნაწარმოების გაუკეთესებაც...

შრომის შემსუბუქებას და საქმის უკეთესად წარმოებას ჩვენს დროში მეტად კარგად ახერხებენ სხვა და სხვა მანქანების გამოგონებით და შემოღებით. მანქანები გვიადვილებენ არა მარტო შრომას, არამედ გვიკეთებენ ისეთ საქმეებსაც, რომლის გასაკეთებლად ადამიანს არ შესწევს საკუთარი ძალ-ღონე და მოხერხება, გვიკეთებენ ისეთ საქმეებსაც, რომელიც მეტად წმინდაა, წერილია და მათი გამოყვანა მეტად გასაჭირი იქნებოდა ადამიანის ხელებისათვის. მაგალითად: შეიძლება გამოჩნდნენ ისეთი დახელოვნებული მქსოველნი წინდებისა თუ ხელ-თათმანებისა, რომელნიც მოქსოვენ ხელით ისეთსავე წინდებს და ხელ-თათმანებს, როგორსაც ქსოვენ ინგლისის მანქანები, მაგრამ, ერთი, რომ ასეთი დახელოვნებული მქსოველნი ცოტანი მოიპოვებიან და მეორე, მანქანები ქსოვენ ისეთის სისწრაფით (ასჯერ და ათასჯერ უფრო სწრაფად), რომ ადამიანს არასოდეს არ შეუძლიან ეს. ეს კიდევ არაფერი: წინდების მოქსოვა კიდევ ისეთი წმინდა სამუშაო არ არის. აიღეთ საათის ნაწილების გაკეთება: საათს აქვს ბევრი ისეთი წვრილი, წმინდა და სათუთი ნაწილები, რომ ხელის თითებით იმათი გაკეთება ყოველად შეუძლებელია.

მანქანები კიდევ იმით არიან სასარგებლონი, რომ ათანასწორებენ ადამიანების ნიჭებს: რისთვისაც უწინ საქირო იყო განსაკუთრებული ნიჭი და ხერხი, დღეს იგივე ადვილად შეუძლიან შეასრულოს ჩვეულებრივი ნიჭის პატრონმა. მაგალითად: საქსოვ მანქანასთან მდგომარე კაცის შრომა და ცოდნა იმაში მდგომარეობს, რომ გააწყოს მანქანა და სულ უბრალოდ საშუა-

ლებებით—ცეცხლით თუ ორთქლით,—მანქანა მოქმედებაში მოიყვანოს. გაწყდება ძაფი სადმე თუ არა, მანქანა მაშინვე გაჩერდება და მიჩენილი კაცის ვალი აქ ხოლო იმაში მდგომარეობს, რომ ნახოს გაწყვეტილი ძაფი და გასკენას; ეს-კი ათი წლის ბაღლსაც შეუძლიან!..

VII.

ა) სასარგებლო და საზოგადო შრომა.

მართალია შრომა ჰქმნის სიმდიდრეს, მაგრამ სულ ერთი როდია, რაზედ მუშაობს კაცი. შეიძლება მთელი დღეები კენჭების თელაში ანუ ერთი ჭურჭლიდამ მეორეში წყალი ასხათ, ესეც შრომა იქნება. მაგრამ ზევითაც ვსთქვი, რომ მხოლოდ ის შრომაა სიმდიდრის მომტანი, რომელიც აკეთებს სასარგებლო და გამოსადეგ საგნებს. მოვიყვანოთ მაგალითები.

წარმოიდგინეთ, რომ რამოდენიმე კაცი მთელ ღამეს ბანქოს (ქალაქს) თამაშობს. თქმა არ უნდა, რომ ესენიც შრომობენ და ძრიელ ერთგულათაც, მაგრამ იმათი შრომა, ეკონომიურად ანუ ნივთიერად რომ გავსინჯოთ, საზოგადოებისათვის სასარგებლო-კი არა, პირ-იკით, საზიანო გამოვა. რა სასარგებლო საგნები გაკეთდა იმით, რომ იმათ მთელ ღამეს ბანქო ითამაშეს? სრულიად არაფერი. ვსთქვათ, რომ ყველა მოთამაშეებს ერთად ჰქონდათ 20 მანეთი. ზოგმა მათგანმა წააგო, ზოგმა-კი მოიგო; წამგებლებმა მისცეს ფული მომგებლებს, მაგრამ ოცი მანეთი, რომელიც იმათ ჰქონდათ, დარჩა იმავე ოც მანეთად და ერთი კაპიკიც არ მოემატა ნაქონ სიმდიდრეს, თუმცა რამდენიმე ვაჟ-კაცმა მთელი ღამე გაათენეს ამაზედ..

მომგებნი, რასაკვირველია, უფრო გამდიდრდნენ, წამგებნი უფრო გაღარიბდნენ, მაგრამ შეემატა რაიმე სიმდიდრე ამ შრო-

მით და მოგებით საზოგადოებას, თუ არა? ამით საზოგადოებას არ მოჰმატებია არც ერთი ნიეთიერი საგანი, არც პური, არც ტან-საცმელი, არც ფეხ-საცმელი; არ მოჰმატებია არც ცოდნა, არც ხერხი, არც სიმარჯვე, ერთი სიტყვით, იგივე გამოვიდა, რაც მაშინ გამოვიდოდა, რომ მოთამაშეებს მთელი ღამე ტკბილად სძინებოდათ, (აქ ჯან-მრთელობა მაინც შეჰრჩებოდათ), ან გულზე ხელ-დაკრეფილებს მთელი ეს დრო უსაქმოდ გაეტარებინათ... ადამ სმიტის-მიერ შექმნილი ეკონომიური სწავლა სასარგებლო შრომად სთვლის ხოლო ამ შრომას, რომელიც აწარმოებს სასარგებლო საგნებს. თუ შრომა სასარგებლო საგნებს არ აკეთებს, ამისთანა შრომას საზიანო უწოდებს.

მართალია მასწავლებლებიც, მოსწავლენიც და მწიგნობარნიც არა ჰკერვენ წაღებს და ტანსაცმელს, არც პურს აცხობენ და არც რაიმე ნიეთიერ სასარგებლო საგნებს აკეთებენ, მაგრამ ამათი შრომა მაინც სასარგებლოა, რადგანაც ასწავლის კაცს იმას, რაც კაცმა არ იცის. ამათი შრომა მაშინ იქნებოდა უსარგებლო და საზიანო, როცა ისეთ ცოდნას შეგეძენდა, რომელიც სასარგებლო საქმის გაკეთებას ვერ გეასწავლიდა; ხოლო, თუ მათი სწავლა ისეთ ცოდნას გეძლევს, რომელიც გაგზნის ჩვენ ქვეყნისთვის თუ თავისთვის სასარგებლო კაცად, მაშ იმათი შრომაც სასარგებლო ყოფილა...

ბ) სასარგებლო და საზიანო მოხმარება

გარდა სასარგებლო და საზიანო შრომისა, არის სასარგებლო და საზიანო მოხმარებაც (потребление).

მოთამაშენი, რომლებზედაც ჩვენ ზემოთ ვილაპარაკეთ, შრომობდნენ საზოგადოების საზიანოდ, საზარალოდ. ისინი შრომობდნენ საზარალოდ არა მარტო იმით, რომ საზოგადო-

ეზას არ შეჰსძინეს არც ერთი სასარგებლო საგანი, არამედ იმითაც, რაც მათ იმ თამაშობის დროს დახარჯეს და მოიხმარეს: ისინი მოვიდნენ სათამაშოდ ეტლებით და ეტლებითვე დაბრუნდნენ სახლში; თამაშობდნენ განათებულს ოთახებში; მიირთვეს ჩაი, ივანშმეს და ღვინოც დალიეს; იმ ოთახების მორთულობაც გააქუჩყიანეს ანუ გაცვითეს და ყველა ამით ზარალი მოუტანეს საზოგადოებას. საზარალო იყო საზოგადოებისათვის არა ხოლო მათი შრომა, რადგანაც ამ შრომამ არ შექმნა არც ერთი სასარგებლო საგანი, არამედ იმითაც, რომ სრულიად უსარგებლოდ ჩაიარა თვით მეეტლეთა შრომამაც, რომლებმაც მოიყვანეს და წაიყვანეს მოთამაშენი; უსარგებლოდ ჩაიარა იმ კაცების შრომამაც, რომლებიც მოსცდნენ მათთვის ჩაის, ევანშმის, შაქრის და წყლის დამზადებაზედ... ერთი სიტყვით, უქმად და უსარგებლოდ ჩაიარა ყველა იმ პირების შრომამ, რომლებმაც იმათთვის იშრომეს, რადგანაც არც ერთი სასარგებლო ნივთი არ გააკეთა მათმა ამოდენა შრომამ.

მოვიყვანოთ კიდევ ერთი მაგალითი. თქვენ გასურდათ ფრინველი მოგვეკლათ და თოფი ესროლეოთ, მაგრამ დააღვინეთ. გაქვთ თქვენ ფრინველი, თუ არა? და თუ არა გაქვთ, დაიკარგა თქვენი შრომა, თუ არა? რასაკვირველია, რომ დაიკარგა. და არა თუ თქვენი შრომა დაიკარგა, არამედ, თუ თქვენ ყოველთვის ასე აცდნეთ, დაიკარგა შრომა თოფისაც, რომელმაც თქვენ თოფი და ტყვია-წამალი გაგიკეთათ. და არა მარტო თოფისა და ტყვია-წამლის გამკეთებლის შრომა დაიკარგა, არამედ ყველა იმ პირებისაც, რომელთაც თქვენთვის იშრომეს: მხენელმთესველისა და მებალისა, რომელთაც თქვენ საზრდო მოგაწოდეს, მეჩექმისა და მკერელისა, რომელმაც წაღები და ტანსაცმელი შეგიკერეს და, ერთი სიტყვით, ყველასი, ვინც-კი თქვენი რჩენისათვის მუშაობდა.

ბევრად უკეთესი იქნებოდა, რომ ყველა ამათ თოფი-კი არ

გაეკეთებინათ თქვენთვის, არამედ რამდენიმე წყვილი წაღები შეეკრათ იმათთვის, ვისაც მხოლოდ ქალამნები აცვიათ, რადგანაც ამით სასარგებლო საგნები გაკეთდებოდა. ახლა-კი ხოლო თქვენი მოცდენა გამოვიდა და ყველა მათი შრომა თქვენზე, — ტყუილ-უბრალოდ ჰაერში გაფანტეთ...

ამნიარად, როგორც შესაძლებელია, რომ შრომა იყოს სასარგებლო და საზიანო, ისე მოხმარებაც და ხარჯიც შეიძლება იყოს სასარგებლო და საზიანო.

VIII.

ე უ ლ ე ბ ი.

საკუთარი შრომით თითოეულს ადამიანს შეუძლიან გააკეთოს მხოლოდ ორიოდ გეგარი საქმე; მას არასოდეს არ შეუძლიან მარტომ გააკეთოს ყველა ის, რაც საჭიროა მისი ცხოვრებისათვის, რჩენისათვის. წარმოიდგინეთ, რომ ერთ კაცს ბევრი სხვა და სხვა საგნები აქვს გაკეთებული, ე. ი. იმაზე მეტი აქვს, რაც თვითონ ეჭირება, ხოლო მეორეს ეს ნივთები სრულიად არა აქვს და აქვს სხვა ნივთები, რომლებიც პირველს არ მოეზოვება. ამიტომ, პირველი სინარულით გაუცვლიდა მეორეს რაც თითონ მეტი აქვს, ხოლო მეორე აგრეთვე სინარულით დაუთმობდა მას თავის მეტს ნივთებს და გამოართმევდა იმას, რაც თითონ ეჭირება. ასეც იყო უწინ: ადამიანები ერთმანერთს უცვლიდნენ ყველა საგნებს და ნივთებს.

მაგრამ წარმოადგინეთ, რომ მეორეს არა აქვს-რა იმისთანა, რომელიც ეჭირება პირველს; მაშინ გაცვლა, რასაკვირველია, აღარ მოხდება. წარმოვიდგინოთ ისიც, რომ თქვენ ორი ცული გაქვთ და თქვენ მეზობელს-კი არც ერთი. თქვენ სინარულით დაუთმობდით მას ერთ ცულს და ისიც აგრეთვე სინა-

რულით მიიღებდა ცულოს, მაგრამ იმას რომ არა აქვს-რა, რომ მაგიერი მოგცესთ, მეზობელი რჩება უცულოდ. მოვიყვანოთ კიდევ მაგალითი.

ყასაბს აქვს მეტი ხორცი, ხოლო თქვენ გაქვთ პურიც და ხორციც. ყასაბი სიხარულით გაგიცვლიდათ მეტს ხორც პურზე, მაგრამ, რადგანაც თქვენ ხორცი უკვე გაქვთ, ამიტომ გაცვლა არ მოხერხდება...

ამ უხერხულობის თავიდან ასაცილებლად დიდხანია შემოიღეს, რომ გარდა საკუთარი შრომის ნაწარმოემისა, იქონიონ ერთი ისეთი საქონელიც, რომელიც ყველასათვის ერთგვარად იყოს საჭირო და რომელზედაც ამიტომ მუდამ შეიძლება ბოდეს საქონლის გაცვლა. ამ გვარ, ყველასათვის საჭირო საქონლად სცნეს ფული, რომელიც მართლაც მეტად აადვილებს აღებ-მიცემობას ხალხში და მასთან არის სუბუქი, ადვილ-დასახურდავებელი და ადვილ-შესანახი ყველასათვის.

მას შემდეგ, რაც შემოიღეს ფული, ყასაბს ხარი ან ცხვარი აღარ მოჰყავს მეზურესთან პურზედ გასაცვლელად, არამედ ჰყიდის ბაზარში ფულზე და აღებული ფულით ყიდულობს რაც თითონ უჭირს. მაგრამ ცხადია, რომ თითონ ფულები სიმდიდრე არ არის, არამედ ხოლო საქონლის და სხვა და სხვა საგნების გადასაცვლელი იარაღია. თუ ხალხს ფული ცოტა აქვს და გამოსადეგი საქონელი და ნივთები-კი ბევრი, ამით ხალხის სიმდიდრე არ დაეცემა, არ დაიკლებს; აგრეთვე, თუ ხალხს მეტი ფული აქვს, ვიდრე საქონელი და ნივთები, ამით ხალხს სიმდიდრე არ მოემატება. პირველს შემთხვევაში სყიდვა-გასყიდვა სწრაფი იქნება და ის ცოტა ფული, რომელიც ხალხს აქვს, ჩქარა იმუშავებს და იტრიალებს, ხოლო მეორე შემთხვევაში, ხალხში იმუშავებს და იტრიალებს მხოლოდ ის ფული, რომელიც სყიდვა-გასყიდვისათვის იქნება საჭირო და დანარჩენი მეტი ფული-კი ხელ-უხლებელი დარჩებათ ზანდუკებში.

აი ყველა ეს აგეიხსნა ადამ სმიტმა. პატივი და ღიღება მისთანა მოაზრეთ!..

ტყუილად-კი არა სწერს ცნობილი მეცნიერი ბოკლი, რომ „ადამ სმიტმა თვისი ერთი წიგნით უფრო მეტად შეუწყობ ხელი კაცობრიობის ყოველ-მხრივ წარმატებას, ვიდრე ყველა სახელმწიფო კაცების და კანონმდებლების შეერთებულმა მოხერხებამაო. მისი „გამოკვლევა ხალხთა სიმდიდრეზე“ არის უშესანიშნავესი წიგნი, რომელიც-კი ოდესმე დაწერილა ქვეყანაზედაო!“ ...



მომავალ 1896 წელს
ფოკელ-კვირული ჟურნალი

მ ე შ რ ნ ე

(წელიწადი მეცხრე)

გამოვა იმავე პროგრამით, წესითა და ფასათ, როგორც დღემდის გამოდიოდა. ჟურნალს მომავალს 1896 წელს მუდმივს თანამშრომლობას გაუწევინ: თ-ლი ი. ზ. ძე ანდრონიკა-შვილი, ა. ეუჩინო, გ. გველესიანი, ი. გუნცაძე, ა. დარეჯან-შვილი, თ-ლი ნ. დგებუაძე, თ-ლი ა. თუმანიშვილი, ნ. კურნალი, თ-ლი ე. ნაკაშიძე, ვ. სულხანიშვილი, ა. ფირალოვი, ა. შარაშიძე, რ. ჩიხლაძე, დ. მაჩხანელი და სხვ. — ექიმები: გ. ბადრიძე, თავ. ყარამან ჩიქვანი და სხვ.

ჟურნალს დასმარება აღუთქვა ჩვენმა ცნობილმა შრომეოსონმა ვასილ ჰეტრიაშვილმა

რედაქცია ეცდება მომავალ წელში უფრო მეტი ყურადღება მიაქციოს უაღრესი კულტურის მცენარეთა მოშენებას ჩვენს ქვეყანაში, ვიდრე დღემდის ჰქონდა მიქცეული ამ საგანს. სხვათა შორის მეურნეობის ამ დარგიდან ჟურნალს უმზადებს მომავალ წლისათვის ბ-ნი ა. ეუჩინო ინგლისურ თხზულებების თარგმანს:

ჩ ა ი

მისი მოშენება და დამუშავება.

ხელის მოწერა მიიღება:

ქუთაისში: რედაქციაში, გეგუთის ქუჩის გადასასვლელში, ჭყონიას სსსდი № 10.

ჟურნალი ღირს: ფლით 5 მან., ნახევარი ფლით 3 მან.

რედაქტორი და გამომცემელი ილია ჭყონია.